

## 1994 nr. 15 16. mars

### Lög um dýravernd<sup>1)</sup>

<sup>1)</sup> Breying var gerð á lögum með l. 76/2005, um breytingu á ýmsum lögum við stofnun Landbúnaðarstofnunar, og tekur hún gildi 1. jan. 2006.

Tóku gildi 1. júlí 1994. Breytt með l. 73/1996 (tóku gildi 19. júní 1996), l. 82/1998 (tóku gildi 1. okt. 1998), l. 90/2002 (tóku gildi 1. jan. 2003), l. 164/2002 (tóku gildi 1. jan. 2003) og l. 76/2005 (taka gildi 1. jan. 2006).

#### I. kaffli. Gildissvið laganna.

■ 1. gr. Lög þessi taka til allra dýra, en þó einkum til þeirra sem eru í vörlu eða umsjón manna.

□ Um meðferð og aðbúnað einstakra búfjártategunda skal jafnframt fara að fyrirmælum laga og reglugerða þar að lútnandi.

#### II. kaffli. Meðferð dýra, vistarverur og umhirða.

■ 2. gr. Skylt er að fara vel með öll dýr. Óheimilt er að hrekka dýr eða meiða. Forðast skal að ofbjóða kröftum þeirra og þoli.

■ 3. gr. Eigendum eða umráðamönnum dýra ber að sjá þeim fyrir viðunandi vistarverum og fullnægjandi fóðri, drykk og umhirðu.

□ Tryggja skal dýrum eðlilegt frelsi til hreyfingar samkvæmt viðurkenndri reynslu og þekkingu. Koma skal í veg fyrir hávaða þar sem dýr eru höfð í vörlu.

□ Eigendur og umráðamenn dýra skulu fylgjast með heilsu þeirra og gera viðhlítandi ráðstafanir til að koma megi í veg fyrir vanlífðan dýranna. Sérstakt eftirlit skal haft með dýrum sem haldin eru á tæknivæddum stórbúum, sbr. 7. gr. laga nr. 46/1991, um búfjárhald, og sérákvæði í reglugerðum um einstakar búfjártategundir.

■ 4. gr. Að vetri til, þegar búfé er halddið til beitar eða látið liggja við opíð, skal sjá til þess að á staðnum sé húsaskjól eða annað öruggt og hentugt skjól í öllum veðrum. Einnig skal vera þar nægilegt fóður og vatn og litið skal eftir búfénu reglulega en daglega eða oftar ef nauðsyn krefur að mati forðagæslumanns, ráðunautar eða dýralæknis. Heimilt er sveitarstjórn, að fengnum tillögum [Umhverfisstofnunar]<sup>1)</sup> eða heráðsdýralæknis, að banna dýrahald á tilteknum stöðum að vetri til séu fyrrgreind skilyrði ekki uppfyllt.

<sup>1)</sup> L. 164/2002, 2. gr.

■ 5. gr. Umhverfisráðherra setur í reglugerð,<sup>1)</sup> í samráði við landbúnaðarráðherra, nánari fyrirmæli um vistarverur og aðbúnað dýra. Þar skal m.a. setja skilyrði fyrir eða bann við innilokun dýra í búrum eða þróngum stíum og tjóðrun þeirra til langframa.

□ Þegar búfé á í hlut skal einnig fara að reglum settum samkvæmt lögum um búfjárhald.

<sup>1)</sup> Rg. 1077/2004.

■ 6. gr. Einungis má nota í keppni dýr sem eru heilbrigð og vel þjálfuð. Óheimilt er að nota hormón, deyflyf eða hliðstæð efni til að hafa áhrif á afkastagetu dýra í keppni.

■ 7. gr. Eyrnamarka skal dýr sem yngst og á þann hátt að valdi sem minnstum sársauka. Óheimilt er að eyrnamarka fullvaxið dýr án deyfingar.

■ 8. gr. Ökumenn skulu sýna dýrum á vegum fyllstu tillitssemi. Verði dýr fyrir ökutæki ber stjórnanda þess skylda til að ganga úr skugga um hversu alvarlegt slysið er og gera viðhlítandi ráðstafanir, þar á meðal þær sem greindar eru í 9. gr., eftir því sem við á.

■ 9. gr. Verði maður var við að dýr sé sjúkt, lemstrað eða bjargarlaust að öðru leyti ber honum að veita því umönnun eftir föngum. Gera skal löggreglu eða dýralæknii viðvart eins

fliðott og unnt er. Náist ekki til þeirra og ætla má að sjúkdómur dýrs eða meiðsl séu banvæn er heimilt að deyða dýrið og tilkynna það síðan til lögreglu.

■ 10. gr. Ef dýr strjúka eða sleppa úr haldi skulu eigendur eða umráðamenn þeirra þegar gera ráðstafanir til að handssama þau. Lögreglan getur tekið slík dýr í vörlu sína. Ef eigandi gefur sig fram skal hann greiða áfallinn kostnað. Hafi dýrsins ekki verið vitjað innan einnar viku skal því ráðstafað til nýs ábyrgs eiganda, það selt fyrir áföllnum kostnaði eða aflífað.

□ Þegar búfé á í hlut skal fara að lögum um búfjárhald, reglum laga um afréttamálefni, fjallskil o.fl. og lögum um varnir gegn smitandi búfjársjúkdóum.

■ 11. gr. Við flutning á dýrum skal þess gætt að útbúnaður farartækis sé góður og við hafi hverju sinni og að gott eftirlit sé með dýrunum meðan á flutningi stendur.

□ Umhverfisráðherra setur í reglugerð<sup>1)</sup> nánari fyrirmæli um flutning á dýrum að höfðu samráði við yfirdýralæknii.

<sup>1)</sup> Rg. 1077/2004.

#### III. kaffli. Dýrahald í atvinnuskyni, annað en í landbún- aði.

■ 12. gr. [Leyfi Umhverfisstofnunar þarf til hvers konar ræktunar, verslunar, þjálfunar, tamningar, geymslu og leigu dýra í atvinnuskyni sem ekki fellur undir búfjárhald. Einnig þarf leyfi Umhverfisstofnunar til að setja á stofn dýragarða, halda dýrasýningar og efna til dýrahappdrættis. Heimilt er Umhverfisstofnun að taka gjald fyrir útgáfu leyfisins. Gjaldið má ekki vera hærra en sem nemur kostnaði við útgáfu leyfisins. Ráðherra setur að fengnum tillögum Umhverfisstofnunar gjaldskrá um útgáfu leyfa samkvæmt ákvæði þessu.]<sup>1)</sup>

□ Leyfi umhverfisráðherra þarf til að handsama villt dýr fyrir dýragarða eða önnur söfn lifandi dýra.

□ Umhverfisráðherra setur í reglugerð<sup>2)</sup> nánari fyrirmæli um leyfisveitingar skv. 1. og 2. mgr., þar á meðal að leyfi megi binda þeim skilyrðum sem nauðsynleg þykja til að tryggja góða meðferð dýranna, svo sem aðbúnað þeirra, umhirðu, viðhlítandi vistarverur og eftirlit með starfseminni. Undanþagnar eru sýningar samkvæmt búfjárræktarlögum.

<sup>1)</sup> L. 164/2002, 3. gr. <sup>2)</sup> Rg. 1077/2004.

#### IV. kaffli. Aðgerðir á dýrum og aflifun.

■ 13. gr. Dýralæknum einum er heimilt að framkvæma læknisaðgerðir á dýrum. Undanþagnar eru þó minni háttar aðgerðir og lyfjameðferð í samráði við dýralæknii.

□ Dýralæknum einum er heimilt að gilda dýr en yfirdýralæknir getur þó í undantekningartilvikum veitt þjálfuðum mönnum leyfi til geldinga.

□ Þegar aðgerð á dýrum er sársaukafull skal ávallt nota deyflyf eða svæfa dýrið.

□ Umhverfisráðherra setur í reglugerð<sup>1)</sup> nánari fyrirmæli sem takmarka aðgerðir á dýrum sem framkvæmdar eru án læknisfræðilegra ástæðna.

<sup>1)</sup> Rg. 526/2001.

■ 14. gr. Dýr skulu afluð með skjótum og sársaukalausum hætti og eftir því sem unnt er án þess að önnur dýr verði þess vör.

□ Dýr skulu ávallt svipt meðvitund áður en blóðtæming fer fram. Umhverfisráðherra er, að höfðu samráði við yfirdýralæknii, heimilt að setja í reglugerð nánari fyrirmæli um hvernig staðið skuli að afluðun dýra við slátrun.

#### V. kaffli. Dýraveiðar.

■ 15. gr. Ávallt skal staðið að veiðum þannig að það valdi

dýrunum sem minnstum sársauka. Skylt er veiðimönnum að gera það sem í þeirra valdi stendur til að aflífa dýr sem þeir hafa veitt áverka.

□ Við dýraveiðar skal að auki fara að fyrirmælum gildandi laga um vernd, friðun og veiðar dýra.

## VII. kaffli. Tilraunir á dýrum.

■ **16. gr.** Óheimilt er að nota lifandi dýr við kennslu, tilraunir, rannsóknir, framleiðslu eða prófun efna eða lyfja og við sjúkdómsgreiningu nema með sérstökum leyfi tilraunadýranefndar ef slíkri notkun fylgir álag eða þjánung fyrir dýrið.

□ Einungis má nota lifandi dýr í tilraunum ef ekki eru þekktar aðrar leiðir til að ná sambærilegum árangri.

□ Umhverfisráðherra skipar tilraunadýranefnd til fjögurra ára í senn. Einn fulltrúi er skipaður án tilnefningar og skal hann hafa lokið háskólanámi og hafa þekkingu og reynslu á svíði dýratilauna og einn fulltrúi er skipaður af Rannsóknastofnun í síðfræði. Auk þeirra á yfirdýralæknir sæti í nefndinni og er hann formaður hennar.

□ Gæta skal þess við tilraunir eða aðgerðir á dýrum að þær baki þeim ekki meiri þjáningu en óhjákvæmilegt er.

□ Tilraunadýranefnd skal tryggja að þeir sem nota dýr í tilraunaskyni hafi hlotið þjálfun og menntun í meðferð tilraunadýra.

□ Umhverfisráðherra setur í samráði við tilraunadýranefnd reglugerð<sup>1)</sup> þar sem kveðið er á um meðferð tilraunadýra og eftirlit með tilraunum.

<sup>1)</sup> Rg. 279/2002.

## VIII. kaffli. Skipan dýraverndarmála.

■ **17. gr.** Umhverfisráðherra fer með yfirstjórn allra mála er varða dýravernd.

□ [Umhverfisstofnun hefur eftirlit með framkvæmd laga þessara og er ráðherra til ráðgjafar. Umhverfisstofnun er heimilt að fela heilbrigðisnefnd eftirlit og framkvæmd þvingunarúrræða samkvæmt lögum þessum í umboði stofnunarinnar. Umhverfisstofnun gerir tillögur til ráðherra um setningu reglugerða og annarra stjórvaldsfyrirmæla á grundvelli laganna.

□ Um stefnumótandi mál, svo sem setningu reglugerða, skal leita umsagnar dýraverndaráðs.]<sup>1)</sup>

□ [Umhverfisráðherra skipar fjóra menn í dýraverndaráð. Bændasamtök Íslands, Höfðisjóð Íslands, Náttúrufræðifélag, Dýralæknafélag Íslands og Samband dýraverndunarfélag Íslands skulu hvert um sig tilnefna einn mann í ráðið. Ráðið skiptir með sér verkum. Hlutverk þess er að vera Umhverfisstofnun og umhverfisráðherra til ráðgjafar um dýraverndarmál.]<sup>1)</sup>

<sup>1)</sup> L. 164/2002, 4. gr.

## VIII. kaffli. Eftirlit með framkvæmd laganna og viðurlögg.

■ **18. gr.** [Leiki grunur á að meðferð á dýrum brjóti gegn lögum ber þeim sem verða þess varir að tilkynna það Umhverfisstofnun, héraðsdýralækni eða lögreglu í viðkomandi umdæmi.

□ Fulltrúum Umhverfisstofnunar og héraðsdýralækni er heimilt að fara á hvern þann stað þar sem dýr eru höfð og kanna aðstæður þeirra og aðbúnað. Eigi er þó heimilt að fara í þessum tilgangi inn í fbúðarhús, útihús eða aðra þvílíka staði án samþykkis eiganda eða umráðamanns húsnæðisins nema að fengnum dómsúrskurði, sbr. þó 4. mgr. Lögregla skal aðstoða fulltrúa Umhverfisstofnunar og héraðsdýralækni ef með þarf.

□ Sé um minni háttar brot að ræða skal Umhverfisstofnun leggja fyrir eiganda eða umsjónarmann dýranna að bæta úr innan tiltekins tíma. Láti eigandi eða umsjónarmaður ekki skipast við tilmæli Umhverfisstofnunar getur stofnunin látið vinna úrbætur á hans kostnað.

□ Leiki grunur á að um sé að ræða alvarlegt brot gegn lögum þessum eða reglugerðum, sem settar eru með stoð í þeim, getur löggregla fyrirvara laust tekið dýr úr vörlu eiganda eða umsjónarmanns. Í þessu skyni er löggreglu rétt að fara inn í fbúðarhús, útihús eða aðra þvílíka staði án dómsúrskurðar ef brýn hætta er á að bið eftir úrskurði valdi dýrunum heilsutjóni. Löggreglu ber að tilkynna Umhverfisstofnun þessar aðgerðir þegar í stað. Löggreglustjóri ákveður í framhaldi af því, að fenginni umsögn Umhverfisstofnunar og héraðsdýralæknis, hvort dýrin skuli vera áfram í vörlu löggreglu þar til úrbætur hafa verið gerðar eða dómur fallið, sbr. 6. mgr. Á meðan dýrin eru í vörlu löggreglu er sveitarstjórn skilt að útvega geymslustað, fóður og umhirðu fyrir dýrin á kostnað eiganda eða umsjónarmanns. Sé sveitarstjórn það af einhverjum ástæðum ókleift og telji nauðsynlegt að láta bjóða dýrin upp, selja þau til lífs eða slátrunar eða láta aflífa þau að öðrum kosti skal eiganda eða umsjónarmanni dýranna þegar tilkynnt um þau áform og honum gefinn kostur á, sé það mögulegt, að setja viðhlítandi tryggingu fyrir greiðslu á kostnaði við geymslu, fóður og umhirðu fyrir dýrin uns dómur fellur, sbr. 6. mgr.

□ Telji Umhverfisstofnun nauðsynlegt, til að stöðva eða fyrirbyggja illa meðferð á dýrum, getur Umhverfisstofnun fyrirvara laust og til bráðabirgða svípt eiganda eða umsjónarmann heimild til þess að hafa eða sjá um dýr þar til úrbætur hafa verið gerðar eða dómur fallið, sbr. 6. mgr.

□ Nú vill eigandi eða umsjónarmaður dýra ekki hlíta þeim aðgerðum eða ákvörðunum sem fyrir er mælt í 4. og 5. mgr. og getur hann þá borið ágreiningsefnið undir dómará, hvort sem er sérstaklega eða í opinberu máli sem höfðað kann að vera á hendur honum. Slíkt frestar þó ekki aðgerðum eða framkvæmd ákvárdana skv. 4. og 5. mgr.

□ Umhverfisstofnun er heimilt að ákveða að eigandi eða umsjónarmaður dýra skuli bera kostnað af aðgerðum skv. 2. og 4. mgr. Ákvörðun um greiðslu kostnaðar er aðfararhæf.]<sup>1)</sup>

<sup>1)</sup> L. 164/2002, 5. gr.

■ **19. gr.** Brot gegn lögum þessum eða reglugerðum, sem settar eru með stoð í þeim, varða sektum eða [fangelsi allt að einu ári].<sup>1)</sup> Ef brot er stórfellt eða ítrekað getur það varðað fangelsi allt að tveimur árum.

□ Hlutdeild í brotum og tilraun til brota á lögum þessum er refsiverð.

<sup>1)</sup> L. 82/1998, 212. gr.

■ **20. gr.** Hafi maður gerst sekur um stórfellt eða ítrekað brot á lögum þessum eða reglugerðum, sem settar eru með stoð í þeim, má svípta hann með dómi heimild til að hafa dýr í umsjá sinni, versla með þau eða sýsla með þau með öðrum hætti. Heimildarsviptingur lotið að dýrum almennt eða einstökum tegundum og staðið tiltekið tímabil eða ævilangt. Heimildarsviptingu má beita gagnvart ósakhæfum manni. Ákærvaldið getur haft uppi kröfu um heimildarsviptingu í opinberu máli hvort sem krafist er refsingar á hendur sakborningi eða ekki. Sá sem sviptur er heimild samkvæmt þessari málsgrein og skeytir ekki dómi um heimildarsviptingu skal sæta sektum.

■ **21. gr.** Foreldrum eða öðrum forráðamönnum barna er skilt að sjá til þess að þau börn, sem þau hafa forráð fyr-

ir, hlýðnist fyrirmælum þessara laga. Brjóti barn, yngra en 16 ára, gegn lögum þessum og brotið er framið með vitund foreldra eða forráðamanna skal þeim refsað fyrir brotið ef sannað er að þeir hafi vanrækt að koma í veg fyrir það.

■ **22. gr.** Um rannsókn og meðferð mála út af brotum á lögum þessum fer samkvæmt lögum um meðferð opinberra mála.

**IX. kafli. Gildistaka og stjórnvaldsfyrirmæli.**

■ **23. gr.** Umhverfisráðherra setur reglugerðir samkvæmt

lögum þessum enda séu þær í samræmi við milliríkjjasamninga sem Ísland er aðili að. Reglugerðir og önnur stjórnvaldsfyrirmæli um dýravernd, sem sett hafa verið fyrir gildistöku laga þessara, halda gildi sínu að svo miklu leyti sem þau brjóta ekki í bága við lög þessi uns ný stjórnvaldsfyrirmæli hafa verið sett.<sup>1)</sup>

<sup>1)</sup> Rg. 158/1957, rg. 127/1958, sbr. 232/1968; rg. 635/1996.

■ **24. gr.** Lög þessi öðlast gildi 1. júlí 1994. ...